

護免中陰恐怖總願偈

(一)

當吾生命，一朝報謝時，此世親眷，無能救助者
子身一人，徜徉中陰道，惟有求彼，喜怒勝怙者
惟有求彼，威力垂悲愍，無明愚暗，願悉使遣除

(二)

獨行中陰，一切親愛離，現見惟我，自識空幻相
願祈諸佛，聖悲愍加被，仗佛威力，中陰恐怖無

(三)

當彼五智，光明焰射我，願加持我，認識即自體
又彼示現，喜樂忿怒尊，願皆認識，中陰相無怖

(四)

根乎惡業，若有諸苦受，喜怒勝怙，願悉滅諸苦
自性空聲，響發若千雷，願悉轉爲，大乘妙法音

(五)

當無怙時，必隨業而行，喜怒諸尊，願爲我恃怙
惡業結使，將受諸痛苦，願加持我，入淨光等持

(六)

悉罷境中，我欲勝往生，嘛囉阻障，令彼不現起
任何處所，我願往生者，消除一切，惡業幻恐怖

(七)

暴惡猛獸，發可怕吼聲，願皆轉成，六字大明句
風雪陰雨，諸大體仇逼，願得光明，智慧眼照破

(八)

願同界中，中陰衆有情，各亡疑貳，均生上勝趣
若當有彼，饑渴等痛苦，願垂悲愍，一切苦皆消

(九)

未來父母，見其方交合，觀同喜怒，聖尊雙身體
願利有情，能隨處轉生，圓滿正報，見光明相好

(十)

願得具根，美滿之男身，見聞我者，悉令得解脫
如有惡業，消滅不相隨，所有善根，具隨且增益

(十一)

願我轉生，任何處與時，喜怒聖尊，權巧緣值遇
願我初生，即能言能行，願我具足，宿命智境通

(十二)

三乘教法，下中上土道，一見聞思，即無不精通
願我生處，具足諸吉祥，一切有情，皆利益安樂

(十三)

如諸喜怒，聖尊妙嚴身，眷屬壽量，及其刹土量
乃至諸尊，淨聖善名稱，我及衆生，願皆得等同

(十四)

緣諸喜怒，聖尊威光力，實相法界，清淨加持力
密部瑜伽，修持相應力，今此願求，一切皆圓成